

SUSHI ICONS-ის რეფერალური პროგრამის წესები საქართველოში

1. ზოგადი დებულებები

1.1. Sushi Icons-ის რეფერალური პროგრამის ეს წესები (შემდგომში — „წესები“) განსაზღვრავს Sushi Icons-ის რეფერალური პროგრამის (შემდგომში — „რეფერალური პროგრამა“) ორგანიზებისა და ჩატარების ზოგად პირობებს.

1.2. რეფერალური პროგრამა, რომელიც ასევე შეიძლება გამოყენებულ იქნას მარკეტინგული სახელწოდებით „მოიწვიე მეგობარი“, ხორციელდება შპს „სუში აიკონს“-ის (შემდგომში — „ოპერატორი“) მიერ, მომხმარებლების პლატფორმით სარგებლობის ნახალისების მიზნით.

1.3. ეს წესები წარმოადგენს Sushi Icons-ის საჯარო ოფერტის განუყოფელ ნაწილს, რომელიც მოქმედებს საქართველოს ტერიტორიაზე (შემდგომში — „საჯარო ოფერტა“). რეფერალურ პროგრამაში მონაწილეობა ნიშნავს მომხმარებლის სრულ და უპირობო თანხმობას ამ წესებისა და საჯარო ოფერტის პირობებზე.

1.4. ამ წესებსა და საჯარო ოფერტის დებულებებს შორის რაიმე შეუსაბამობის შემთხვევაში, უპირატესობა ენიჭება საჯარო ოფერტის დებულებებს.

2. ტერმინები და განსაზღვრებები

2.1. ტერმინები „ოპერატორი“, „პლატფორმა“, „მობილური აპლიკაცია“, „მომხმარებელი“, „ბონუსები“, „რეფერალური პროგრამა“ გამოიყენება საჯარო ოფერტით განსაზღვრული მნიშვნელობით.

2.2. რეფერალური პროგრამის მონაწილე — პლატფორმის მომხმარებელი, რომელიც მონაწილეობს რეფერალურ პროგრამაში ამ წესების შესაბამისად.

2.3. რეფერერი — რეფერალური პროგრამის მონაწილე, რომელიც იწვევს სხვა პირებს პლატფორმით სარგებლობისთვის რეფერალური ბმულის ან ოპერატორის მიერ განსაზღვრული სხვა ინსტრუმენტის გამოყენებით.

2.4. რეფერალი — ახალი მომხმარებელი, რომელმაც პირველად დაიწყო პლატფორმით სარგებლობა რეფერერის მოწვევის შედეგად და შეასრულა რეფერალური პროგრამის პირობები.

2.5. რეფერალური პროგრამის ჩატარების ტერიტორია — საქართველოს ტერიტორია.

3. რეფერალური პროგრამის მიზანი

3.1. რეფერალური პროგრამის მიზანია მომხმარებლების ნახალისება პლატფორმით სარგებლობისთვის, მომხმარებელთა წრის გაფართოება და Sushi Icons-ის სერვისების პოპულარიზაცია.

4. რეფერალური პროგრამის მონაწილეები

4.1. რეფერალური პროგრამის მონაწილე შეიძლება იყოს მხოლოდ პლატფორმის მომხმარებელი, საჯარო ოფერტის გაგებით.

4.2. რეფერალურ პროგრამაში მონაწილეობა ნებაყოფლობითია და არ წარმოშობს ოპერატორის ვალდებულებას, უზრუნველყოს ბონუსების დარიცხვა თითოეული მონაწილისთვის.

5. რეფერალურ პროგრამაში მონაწილეობის პირობები და წესი

5.1. რეფერალურ პროგრამაში მონაწილეობისთვის მომხმარებელი იღებს რეფერალური ბმულის ან პლატფორმაზე ოპერატორის მიერ განსაზღვრული სხვა ინსტრუმენტის გამოყენების შესაძლებლობას.

5.2. მონაწილე ვალდებულია თავი შეიკავოს ნებისმიერი ქმედებისგან, რომელიც მიმართულია რეფერალური პროგრამის ბოროტად გამოყენებისკენ, მათ შორის ფიქტიური ანგარიშების შექმნა, საკუთარი თავის მოწვევა ან სხვა არაკეთილსინდისიერი ქმედებები.

5.3. ოპერატორს უფლება აქვს დამოუკიდებლად განსაზღვროს და შეცვალოს რეფერალურ პროგრამაში მონაწილეობის წესი.

6. ბონუსების დარიცხვა

6.1. რეფერალური პროგრამის ფარგლებში რეფერერს ერიცხება 15 ბონუსი ოპერატორისა და პლატფორმის მიერ განსაზღვრული პირობების შესრულების შემთხვევაში.

6.2. 15 ბონუსი იძლევა 15 (თხუთმეტი) ლარის ოდენობის ფასდაკლების მიღების უფლებას პლატფორმის მეშვეობით შეკვეთის გაფორმებისას.

6.3. ბონუსები ირიცხება პლატფორმაზე ასახული რეფერალური პროგრამის ყველა პირობის შესრულების შემდეგ.

6.3. ოპერატორს უფლება აქვს უარი თქვას ბონუსების დარიცხვაზე ამ წესების ან საჯარო ოფერტის დარღვევის შემთხვევაში.

7. ბონუსების გამოყენება

7.1. ბონუსები რეფერალური პროგრამის მონაწილემ შეიძლება გამოიყენოს მხოლოდ ფასდაკლების სახით პლატფორმის მეშვეობით შეკვეთის გაფორმებისას, საჯარო ოფერტით და ამ წესებით განსაზღვრული წესითა და პირობებით.

7.2. ბონუსები შეიძლება გამოყენებულ იქნას პლატფორმის მეშვეობით გაფორმებული მზა კერძების და/ან საქონლის შეკვეთის გადასახდელი თანხის შესამცირებლად, ოპერატორის მიერ დადგენილი შეზღუდვების ფარგლებში და მათი გათვალისწინებით.

7.3. ბონუსები არ შეიძლება გამოყენებულ იქნას:

მიტანის ღირებულების გადასახდელად;

ნებისმიერი დამატებითი სერვისის ან მომსახურების გადასახდელად, თუ სხვა რამ პირდაპირ არ არის მითითებული პლატფორმაზე;

შეკვეთის სრულად გადასახდელად, თუ პლატფორმის მიერ დადგენილია ფულადი სახსრებით გადასახდელი მინიმალური თანხა;

პლატფორმის მიღმა შეკვეთების გადასახდელად.

7.4. შეკვეთის გაფორმებისას პლატფორმა ავტომატურად ასახავს:

შესაბამის შეკვეთაზე ბონუსების გამოყენების შესაძლებლობას ან შეუძლებლობას;

ბონუსების მაქსიმალურ რაოდენობას, რომელიც შეიძლება გამოყენებულ იქნას ასეთი შეკვეთისთვის;

ფასდაკლების ოდენობას, რომელიც გაიცემა ბონუსების გამოყენებისას.

7.5. ბონუსები გამოიყენება მხოლოდ შეკვეთის გაფორმების მომენტში. შეკვეთის დადასტურების შემდეგ ბონუსების დამატება, შეცვლა ან განმეორებით გამოყენება შეუძლებელია.

7.6. შეკვეთის გაუქმების შემთხვევაში გამოყენებული ბონუსების დაბრუნების ან გაუქმების წესი განისაზღვრება პლატფორმაზე ასახული წესებით.

7.7. ბონუსები არ წარმოადგენს ფულად სახსრებს, ელექტრონულ ფულს ან საგადახდო საშუალებას და არ ექვემდებარება:

გადაცვლას ფულად სახსრებში;

დაბრუნებას ფულადი ფორმით;

გადაცემას, დათმობას ან ჩუქებას მესამე პირებისთვის;

გამოყენებას ნებისმიერი სხვა გზით, გარდა იმისა, რაც პირდაპირ არის გათვალისწინებული საჯარო ოფერტით და ამ წესებით.

7.8. ოპერატორს უფლება აქვს დაანესოს დამატებითი შეზღუდვები ბონუსების გამოყენებასთან დაკავშირებით, მათ შორის მათი მოქმედების ვადაზე, შეკვეთის მინიმალურ თანხაზე ან საქონლის კატეგორიებზე, რომლებზეც შეიძლება გავრცელდეს ბონუსები, პლატფორმაზე შესაბამისი ინფორმაციის ასახვით.

8. რეფერალური პროგრამის ტერიტორიული პირობები

8.1. ეს წესები ვრცელდება მომხმარებლებზე, რომლებიც სარგებლობენ პლატფორმით საქართველოში.

9. რეფერალური პროგრამის შეცვლა და შეწყვეტა

9.1. ოპერატორს უფლება აქვს ნებისმიერ დროს შეცვალოს რეფერალური პროგრამის პირობები ან შეწყვიტოს მისი მოქმედება მონაწილეთა წინასწარი შეტყობინების გარეშე.

9.2. რეფერალური პროგრამის შეწყვეტის შემთხვევაში გამოუყენებელი ბონუსები შეიძლება გაუქმდეს.

10. დასკვნითი დებულებები

10.1. ეს წესები ძალაში შედის პლატფორმაზე მათი გამოქვეყნების მომენტიდან.

10.2. საკითხები, რომლებიც არ რეგულირდება ამ წესებით, რეგულირდება საჯარო ოფერტით და საქართველოს მოქმედი კანონმდებლობით